

Glauben den Vater / vnd mit einem andern /
den Son ehren. Vnd ist hie die dritte Person /
der Heilige Geist / der solchs durch Hosea
mündlich redet / vnd vns glauben leret.

Item / Ezech. 34. Ich wil inen einern
Einigen Wirten erwecken / der sie weiden sol /
nemlich / meinen Knecht David / Der wird sie
weiden / vnd jr Wirt sein / Ich wil jr Gott sein
vnd mein Knecht David / wird Fürst vnter
inen sein. Die heisst Christus David vnd Got
tes Knecht / wie er auch Isai 53. Gottes
Knecht heisst / vnd viel orten mehr. Dazn Pau
lus Philip. 2. Macht einen Knecht aus im /
der inen doch jmer vnd jmer einen rechten
Gott Predigt / da er spricht / Ein iglicher sey
gesinnet / wie Ihesus Christus / Welcher / ob
er wol in Göttlicher gestalt war / hielt ers
nicht für einen Raub / Gotte gleich sein / Son
dern enffert sich selbst / vnd nam Knechtlich ge
stalt an zc. Las vns den Apostel fragen / wie er
so vngeschickt mag reden / Ist Christus Gott
gleich / wie kan er ein Knecht vnd in Knechts
gestalt sein? Ist er ein Knecht / wie kan er
Gotte gleich / vnd in Gottes gestalt sein? Aber
wir Christen verstehen vnd wissen solches al
les wol / Aber die Jüden verstocken sich mit
diesem spruch Ezechiel getrost / vnd wollen
gewis sein / ihres sinnes (ich wolt sagen)
wahnsinnes / Die las faren.

Item: